

書名 消搖墟三卷 萬曆三十年序刊本
撰者 明 洪應明 撰
卷 卷一
內容分類 子-道家-雜著
索書號 仁井田-子- N3131
編號 C7024300

卷一

消搖墟目

列仙姓氏

老子

西王母

黃成子

祖

王子喬

還初道人自誠甫次

東王公

赤松子

青鳥公

鐵拐先生

尹喜

[彩色首頁1](#)

[東洋文化研究所漢籍目錄 編號: C7024300](#)

[東洋文化研究所漢籍目錄所藏漢籍善本文影像資料庫 索書號: 仁井田-子- N3131](#)

[漢籍善本文影像資料庫文本消搖墟三卷 萬曆三十年序刊本](#)

[版權所有: 東京大學 東洋文化研究所](#)

[使用上的注意事項](#)



Blank page with faint vertical lines and a large rectangular stamp at the top center containing Chinese characters.

老君

老子者太上老君也累世化身而未有誕生之迹迨商陽甲時分神化氣始寄胎玄妙玉女八
十一年暨武丁庚辰二月十五日卯時降誕於
楚之苦縣瀨鄉曲仁里從母左腋而生於李樹
下指樹曰此吾姓也生時白首回黃長耳矩目
鼻純骨雙柱耳有三漏門美鬚廣頰疎齒方口
足踏三五手把十文姓李名耳字伯陽號曰老

子又號曰老聃周文王爲西伯召爲守藏史武
王時遷爲柱下史乃遊四極大秦竺乾等國號
古先生化導其國康王時還歸于周復爲柱下
史昭王二十三年駕青牛車過函谷關度關令
尹喜知之求得其道二十五年降於蜀青羊肆
會尹喜同度流沙胡城王穆王時復還中夏敬
王十七年孔子問道於老聃退而有猶龍之嘆
赧王九年復出散關飛昇崑崙秦時降浹河之

仙 卷一
濱號河上公授道安期上漢文帝時號廣成子
文帝遣使詔問之公曰道尊德貴非可遙問帝
卽命駕詣之帝曰域中有四大王居一也子雖
有道猶朕民也不能屈何乃高乎朕足使貧賤
富貴公乃拊掌坐躍冉由在虛空中如雲之昇
去地百餘丈而止於玄虛良久俛答曰今上不
至天中不類人下不居地何民之有陛下焉能
令富貴貧賤乎帝悟方下輦禮謝授帝道德二
經蓋無世不出先鹿劫而行化後無極而常存
隱顯莫測變化無窮普度天人莫可具述云



Vertical text in seal script, likely a title or chapter heading, located at the top center of the page.

東王公

王公諱倪字君明天下未有民物時鍾化而
於碧海之上蒼靈之墟道性凝寂湛體無爲
心玄功育化萬物主陽和之氣理於東方亦
不王公凡上天下地男子登仙得道者悉所
四嘗以丁卯日登臺觀望轉劫昇天之仙凡
凡品然始昇之時先拜太公後謁金母受事
平方得昇九天入三清禮太上而觀元始漢
不有羣兒戲謔於道曰着青裙上天門揖金母
拜木公時人莫之知唯子房往拜焉乃語人曰
此東王公玉童



仙
卷

仙

卷

五

西王母

西王母卽龜臺金母也得西華至妙之氣化生於伊川姓緱諱回字婉妸配位西方與東王公共理二氣調成天地陶鈞萬品凡上天下地女子之登仙者咸所隸焉居崑崙之圃閬風之苑玉樓玄臺九層左帶瑤池右環翠水女五華林媚蘭青娥瑤姬玉卮周穆王八駿西巡乃執白圭玄璧謁見王母復觴母于瑤池之上母爲王

謠曰白雲在天山林自出道里悠遠山川間之將子無死尚能復來後漢元封元年降武帝殿進蟠桃七枚於帝帝欲留核母曰此桃非世間所有三千年一實耳偶東方朔於牖間窺之母指曰此兒已三偷吾桃矣是日命僊女董雙成吹雲和之笛王子登彈八琅之璈許飛瓊鼓靈虛之簧安法興歌玄靈之曲爲武帝壽焉



所
畫
畫
畫

仙

卷

一

赤松子

赤松子神農時雨師煉神服氣能入水不濡入
火不焚至崑崙山常止西王母石室中隨風雨
上下炎帝少女追之亦得仙俱去高辛時爲雨
師聞遊人間



廣成子

廣成子軒轅時人隱居崆峒山石室中黃帝造
焉問以至道之要答曰至道之精窈窈冥冥至
道之極昏昏默默無視無聽抱神以靜形將自
正必靜必清毋勞爾形毋搖爾精毋俾爾思慮
營營乃可長生慎內閉外多智多敗我守其一
而處其和故千二百年未嘗衰老



青鳥公

青鳥公彭祖弟子也受明師指示審真仙妙理
 乃入華陰山中學道積四百七十一歲後服金
 液而昇天



僊
彭祖

彭祖錢鏗帝顓頊玄孫至殷末世年已七百餘
歲而不衰好恬靜善於補導之術并服水晶雲
母麋角常有少容穆王聞之以爲大夫稱疾不
與政事采女乘輜輶往問道於彭祖具受諸要
因以教王王試爲之有驗彭祖知之乃去不知
所往其後七十餘年門人於流沙西見之



鐵拐先生

鐵拐先生姓李質本魁梧早歲聞道修真巖穴
時李老君與宛丘先生嘗降山齋誨以道教一
日先生將赴老君之約於華山囑其徒曰吾魄
在仙僕游魂七日而不返若甫可化吾魄也徒
以疾還歸六日化之先生至七日果歸失魄
一附一餓芋之尸而起故形跛惡非其質



王子喬

王子喬周靈王太子晉也好吹笙作鳳鳴遊伊
洛之間道人浮丘公接晉上嵩高山二十餘年
後見栢良謂曰可告我家七月七日待我於緱
山頭至期果乘白鶴駐山頭可望不可到俯首
謝時人數日乃去後立祠緱氏山下



尹喜

尹喜字公文天水人初母氏嘗晝寢夢天下絳霄流繞其身及喜生時陸地自生蓮花及長眼有日精姿形長雅垂臂下膝堂堂有大人之貌少好學墳索隱德行仁不修俗禮損身濟物不求聞達周康王時爲大夫仰觀乾象見東方有紫氣西邁知有聖人當度關而西乃求爲函谷關令預敕關吏孫景曰若有形容殊俗車服異

常者勿聽過時昭王二十三年七月老君果乘白輿駕青牛欲度關關吏入白喜喜曰今我得見聖人矣卽具朝服出迎跪伏邀之曰願暫留神駕老君謝曰吾貧賤老叟居在關東田在關西今暫往取薪何故見留喜復稽首曰久知大聖當來西游暴露有願少憇神駕老君曰門開道遠三軌有古先生一以身心就道經歷子關何過留耶喜曰觀大聖山姿超絕乃天上至尊邊

夷何足往觀老君曰：「何所見而知喜曰：去冬十月六理星西行過劫自今月朔融風三至東方，言氣狀如龍蛇而西變此大聖人之徵。老君乃怡然咲曰：「善哉！子之知吾，吾亦已知子矣。」喜再拜曰：「敢問大聖姓字？」老君曰：「吾姓字渺渺，從劫至劫，非可盡說。吾今姓李字伯陽，號曰老聃。喜於是就官舍設座，供養行弟子禮。老君乃為喜留關下百餘日，盡傳以內外修煉之法。時老

君之御者徐甲少賃於老君，約日顧百錢。至關時當七百三十萬錢。甲見老君去官遠適，亟來索錢。老君謂曰：「吾止西海諸國，還當以黃金什直償爾。甲如約及至關，飯青牛於野。老君欲試之，乃以吉祥草化為一美女，行至牧牛之所能。以言戲甲，甲惑之，欲留。遂負前約，乃詣關令訟。老君索傭錢。老君謂甲曰：「汝隨我二百餘年，汝久應死。吾以太玄生符與汝，所以得至今日。汝

何不念此而乃訟言言訖符自口中飛出甲自成一白骨喜乃爲甲叩首謝赦其罪以賜更生老君復以太符投之甲卽立生喜乃以錢償甲而禮遣之
老君謂喜曰古先生者卽吾之身嘗化遊矣喜叩首嬉乎玄冥之間
今將返神還乎無名吾今老君曰吾遊乎天地之表八極上下無邊子欲隨吾赴淵下地上天灰身

願隨大仙老君曰汝雖骨相合道然受道日變安得行化諸國也於是復以道德五千言授之期日千日之外可尋吾於屬青羊之肆也言訖身坐雲華冉冉升空光燭館舍五色玄黃良久乃歿喜目斷雲內涕泣扳戀名之曰西昇經喜乃屏絕人事自著書九篇號關尹子至丁巳歲卽往西屬尋訪青羊之肆老君以甲寅年昇天至乙卯歲復從太微官分身降生於蜀國大官

李氏之家已先赦青龍化生為羊色如青金常在所生嬰兒之側愛玩無數忽一日失羊童子尋覓得於市尋喜至蜀徧問居人無青肆者忽見童子牽羊因問此誰家羊牽欲何往童子答曰我家夫人生一兒愛玩此羊失來兩日兒啼不止今卻尋得欲還家喜即囑曰願為告夫人之子云尹喜至矣童子入告兒即振衣而起曰今喜前來喜既入其家庭宇忽然高大湧出蓮

在之座兒化數丈白金之身光明如日項有圓

光坐於蓮花座上舉家驚怪兒曰吾老君也太

微是宅真一為身主客相因何乃怪耶喜將慰

無量稽首言曰不謂復奉天顏老君曰吾向留

子者以子初受經訣未克成功是以待子於此

今子保形煉色已造真妙心結紫絡面有神光

金名表於玄圃玉札繫於紫房也即命五老上

帝四極鑑真授喜玉冊金文號文始先生位為

無上真人居一十四天王之上統領八萬仙士
自此方得飛騰虛空參得龍駕



李八百

李八百蜀人名真居筠陽五龍岡歷夏商周年
八百歲動行則八百里時人因號爲李八百或
隱山林或居廛市又修煉於華林山石室丹成
還蜀中周穆王時居金堂山蜀人歷代見之號
紫陽真君



丁令威

丁令威本遼東人學道於靈虛山後化鶴歸集
華表而吟曰有鳥有鳥丁令威去家千歲今來
歸城郭如故人民非何不學仙塚壘壘



鬼谷子

鬼谷子春秋時人姓王名詡嘗入雲夢山採藥
得道顏如少童居青溪之鬼谷蘇秦張儀往問
道三年辭去子遺之書曰二足下功名赫赫但
春華至秋不得久茂今二子好朝露之榮忽長
久之功輕喬松之永延貴一旦之浮爵夫女愛
不極席男歡不畢輪痛哉鬼谷處人間數百歲
後不知所之有陰符鬼谷子二書行於世



劉越

劉越周時有匡先生名續修于南嶂山時有一少年數來相訪言論奇偉先生異之問曰觀子風猷有日矣僭問鄉邦姓字答曰姓劉名越居在山之左山下有石高二丈許叩之即當相延先生如其語訪之叩石石忽自開雙戶洞啓一小鬟迎先生行數十步繼有二青衣絳節前導漸見臺榭參差金碧掩映珍禽奇獸草木殊異

真人冠玉冠朱綬劍佩來迎先生意欲留居之真人謂先生曰子陰功未滿後會可期他日相從未晚也飲玉酒三爵延齡保命湯一斝而出先生返顧所叩之石宛然如初他日復叩無所應矣



所
集
卷
之
五

三
三
五
五

白石生

白石生中黃丈人弟子彭祖時已二千餘歲不
 愛飛昇但以長生為貴而已以金液為上藥家
 貧不能得養猪收羊十數年致富萬金乃買藥
 服之嘗煮白石為糧因就白石山居遂號白石
 生亦時食脯亦時辟穀日能行三四百里顏色
 如三十許人或問何以不愛飛昇答曰天上未
 必樂於人間也



安期生

安期生瑯琊阜鄉人賣藥海邊時人皆呼千歲
公秦始皇請見與語三夜賜金帛數萬出於阜
鄉亭皆置去留書并赤玉鳥一量為報曰後千
歲求我於蓬萊山下始皇遣使者數輩入海求
之未至蓬萊山輒遇風波而還乃立祠阜鄉亭
并海邊丁處



東方朔

東方朔字曼倩嘗出經年兄曰汝經年一歸何以慰我對曰朔暫之紫泥海有紫水汚衣乃過虞淵湔洗朝發中還何云經年漢武帝時上書曰臣朔少失父母長養兄嫂今年二十二長九尺三寸口若懸珠齒若編貝勇若孟賁捷若慶忌廉若鮑叔信若尾生若此可以爲天子臣矣臣朔冒死再拜以聞朔文辭不遜高自稱譽上

律之令待詔公車又遷待詔金馬門賜之食於前食盡懷其餘肉衣盡汗數賜縑帛擔揭而去嘗用所賜錢帛取少婦於長安中一歲卽棄去更取所賜物盡填之女子人皆笑之朔曰如朔所謂避世於朝廷間者時酒酣據地歌曰陸沉於俗宮殿可以避世全身何必深山之中蒿廬之下朔將死謂同舍郎曰天下人無能知朔知朔者惟大伍公耳朔亡後武帝召大伍公問之

卷一
二十九
答以不知帝曰公何所能曰頗善星曆帝問諸
星具在度否曰諸星皆在獨不見歲星四十年
今復見耳帝仰天嘆曰東方朔在朕傍十八年
而不知為歲星因慘然不樂



鍾離權

鍾離權燕臺人後改名覺字寂道號王陽子又號雲房先生父爲列侯官雲中誕生真人時異光敷文侍衛皆驚真人頂圓額廣耳厚眉長目深鼻聳口方頰大唇臉如丹乳遠臂長如三歲兒晝夜不聲第七日躍然而言曰身遊紫府名書上京及壯仕漢爲大將征吐蕃失利獨騎奔逃山谷迷路夜入深林遇一胡僧蓬頭拂額體掛草衣引行數里見一村莊曰此東華先生成道處將軍可以歇息矣揖別而去真人未敢驚動莊中良父聞人語云此必碧眼胡人饒舌也一老人披白鹿裘扶青藜杖抗聲前曰來者非漢大將軍鍾離權耶汝何不寄宿山僧之所真人聞而大驚知爲異人是時方脫虎狼之穴適有鳶鶴之思乃回心向道哀求度世之方於是老人授長生真訣及金丹火候青龍劍法真人

辭去回顧莊居不見其處後再遇華陽真人傳
以太乙刀圭火符內丹雲遊至魯居鄒城入
峒於紫金四皓峰居之得玉匣秘訣遂仙去



馬成子

馬成子秦扶風人性喜恬退不樂紛榮嘗自嘆
曰人生若流電爾奈何久戀塵寰中於是棄家
訪道入蜀之鶴鳴山石室中修煉二十餘年後
遇異人授以神丹曰氣爲內丹藥爲外丹子得
此服之當列爲上仙矣言訖而去成子遵其術
行之遂白日昇天



劉晨

劉晨剡縣人漢永平中與阮肇入天台採藥路迷不得返經十三日饑渴甚望山上有桃實共取食之下山取澗水飲見一杯流出中有胡麻飯焉二人喜曰此近人家矣遂度山出一大溪溪邊有二女色甚美顧笑曰劉阮二郎捉杯來耶劉阮異之二女懼然如舊曰來何晚耶即邀還家南壁東壁各有羅帷絳帳命侍女具饌有

胡麻飯山羊脯甚甘美食畢行酒俄有群女持桃笑曰賀汝婿來酒酣作樂夜半各就一帳宿姸態殊絕至十日求還苦留半年氣候草木常似春百鳥啼响歸思更切二女曰罪根未滅使君等至此遂指示還路及歸鄉邑零落已七世矣再往女家尋覓不獲晉太康八年失二人所在



五
十
五
五
五

Blank page with vertical lines, likely a separator or a page with no text.

魏伯陽

魏伯陽吳人性好道術不樂仕宦乃入山作神丹時三弟子知兩弟子心不盡誠丹成試之曰金丹雖成當先試之犬犬無患方可服若犬死不可服也伯陽卽以丹與犬食之犬卽死伯陽曰作丹未成無乃未得神明意耶服之恐復如犬柰何弟子曰先生服之不伯陽曰吾肯違世路委家于此不得仙吾亦耻歸死與生同吾當

服之伯陽服丹入口卽死一弟子曰師非凡人也服丹而死得無有意乎亦服之入口亦死二弟子乃相謂曰作丹求長生爾今服丹卽死不如不服乃共出山爲伯陽及死弟子求殯具伯陽卽起將煉成妙丹納死弟子之犬口中須臾皆活於是將服丹弟子姓虞者曰犬仙去逢入山伐薪人作手書寄謝二弟子嘗作叅同契凡二卷其說似解周易其實假借六象以寓作丹

之旨

卷一

四



四十四卷三十一

百十八

Handwritten characters, possibly a signature or date, located at the bottom left of the page.

入目

入目

...

...

...

...

...

...

...

第三十卷 (十) 四十八 七

所
圖
書

